

Doris Honig

Was wergli zilld

1. Kor. 13,1-7. 13

Wenn i eds rederd wäi ä Mensch
odder aa wäi ä Engl
was wär nern des scho ohne die Liebe?
Nix wäi ä rostiche Gloggn,
odder ä kabudde Fohroodklingl.

Schdell dä vur,
ich wisserd alles,
schdell dä vur,
ich kennerd soogn, was morgn is,
schdell dä vur,
ich hädd die Weldforml gfundn,
nach der alles funktionierd,
schdell dä vur,
ich kennerd in jedn neischauä
und wisserd ganz genau,
wass er denggd und wäi er is,
schdell dä vur,
ich deed su ferd glaum,
dass die Roudh in Berch nauf fläißd, -
was wär nern des dann scho Bsonders
ohne die Liebe?

Schdell dä vur,
ich schmeißerd jeds Weihnachdn
än Exdra-Hunderder in Klinglbeidl,
schdell dä vur,
ich gängerd fier andere durchs Feier,
was wär nern des dann scho Bsonders
ohne die Liebe?

Die Liebe

lässt si ned aus der Rouh bringer,
sie nemmd än jedn su, wäi er is,
sie machd die andern ned zu Hanswoschdn,
sie will ned dä Baidälä aff alle Subbn sei,
sie will ned alles besser wissen,
sie is ned glei eigschnabbd,
sie sichd aa ned glei roud,
sie wass, was si g'herd
sie is ned nachdrachnd,
sie zäichd ned ieber andere her,
sie dreibd mid dä Wahrheit kä Schindlouder.

Z'riggsteggn doud's gern,
ihr'm Herrgodd vertraud's,
und zouwaddn kanns.

Glaum, Hoffnung und die Liebe,-
mehr brauchds ned,
und die Liebe häld alles zsamm.